

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : DATO' SERI HISHAMMUDDIN BIN TUN HUSSEIN  
(SEMBRONG)**

**SOALAN**

Minta **MENTERI PERTAHANAN** menyatakan adakah Kerajaan akan meneruskan program Amanah Saham Zulu yang sebelum ini dilaksanakan dengan peruntukan sebanyak 1.53 bilion unit saham dengan nilai RM1 seunit yang mana 1.0 bilion unit saham diperuntukkan bagi anggota ATM, 500 juta unit bagi Veteran ATM dan juga 30 juta unit bagi anggota dan Veteran ATM bukan Bumiputera.

**JAWAPAN**

Angkatan Tentera Malaysia (ATM) dengan kerjasama Permodalan Nasional Berhad (PNB) dan Bank Muamalat Malaysia Berhad (BMMB) telah melancarkan skim pelaburan khas yang dikenali sebagai Amanah Saham Bumiputera Zulu (ASB-Z) pada tahun 2018 dengan peruntukan sebanyak 1.53 billion unit saham bernilai RM1 seunit. Program ini adalah bertujuan untuk meningkatkan taraf sosio ekonomi dan memelihara kebajikan anggota serta veteran ATM disamping memupuk budaya melabur dalam kalangan anggota dan veteran ATM.

Program ini telah mendapat sambutan dan penyertaan yang amat menggalakkan dari anggota dan veteran ATM dimana semenjak program ini dilancarkan seramai 7,956 peserta telah menyertainya dengan nilai pelaburan sebanyak **RM682,586,620**. Justeru, program ini akan diteruskan untuk manfaat anggota dan veteran ATM disamping menambahbaik skim tersebut dengan menawarkan pakej pengurusan kewangan yang lebih efektif.